



c p<sup>t</sup>

1869

1000

F

39

.326

15690

BVLLA S. D. N. D. PII  
DIVINA PROVIDEN-  
TIA PAPÆ IIII.

Contra quoscunque Ecclesias & beneficia Ecclesia-  
stica quæcunque in confidentiam reti-  
nentes, seu recipientes.

*PIVS* *Episcopus servus servorum Dei,*  
*Ad perpetuam Rei memoriam.*

**R**OMANVM Pontificē in excelsa mili-  
tantis Ecclesiæ spectula cōstitutū vigi-  
les mentis oculos, non solum in absen-  
tium extendere, sed potissimum in præ-  
sentium domesticorumq; fratrum, & fi-  
liorum suorum mores diligenter perscrutandos, ali-  
quando reflectere, ac eos præsertim quos in Aposto-  
licæ sollicitudinis partem euocavit altissimus, ne dum  
ab omni pactionis illicitæ contagione, verum etiam  
ab eius omnimoda suspicione, vacuos & immunes cō-  
servare decet, vt qui ceteros illustris officii sublimita-  
te antecellunt, eosdem prisca etiam illa morum inte-  
gritate præstare, dignoscantur. Sanè licet dudum, cū  
certam simoniacæ prauitatis speciem, quam benefi-  
ciorum cōfidentiam vocant, etiam Ro. Cu. atq; aded  
in sacrum vener. fratrum nostrorum S.R.E. Cardinaliū  
collegium, quasi per cuniculos irrepisse, ac nōnullos  
ex ipsis fratribus, nimia quadam facilitate, seu potius  
importunis amicorum familiariumq; precibus addu-

39  
326

1569c

Etos, beneficia ecclesiastica in cōfidentiam huiusmodi recepisse, & frequenter recipere, intelleximus, hāc illicitam beneficentiæ exercendæ, seu amicitia colendæ viam, à tanto saltem Collegio prorsus eliminare cupientes, eosdem fratres in Consistorio nostro secreto, non semel admonuerimus, huic aliena beneficia custodiendi modo ne assuescerent, néve illa hoc pacto reciperent, vtq; sic recepta dimitterent: Nihilominus nuper ad aures nostras peruenit, eorum aliquos, monitionis nostræ, imò potius suimet oblitos, ea, quæ custodienda receperant, beneficia, nondum tantè dimississe. Et insuper illos, & nōnullos alios, etiam Patriarchas, Archiepiscopos & alios Episcopos ac etiam Cameræ Apostolicæ Clericos, Ecclesias, Monasteria, dignitates, & alia beneficia huiusmodi, in sui fauorē resignata, cessā, vel aliās dimissā, acceptasse, aut de illis, per obitum vel aliās vacantibus, à nobis, & prædecessoribus nostris, seu etiam ab ordinariis & aliis inferioribus collatoribus, etiam ad patronorū præsentationē, ad alterius cōmodum sibi prouideri obtinuisse, illaq; ac etiā alia aliter vacantia, sibi in titulum, commendam, vel administrationē, aut aliās dicta auctoritate concessā quandoque in resignantium, vel cedentium, seu etiā aliorum fauorem cessisse, vel aliās dimississe: Ac sibi propterea pensiones annuas, ac fructus, redditus, & prouentus Ecclesiarum, Monasteriorū, dignitatū, & aliorū beneficiorū huiusmodi, in toto, vel in parte, etiam aliquando cum facultate illas, & illos transferendi, ac etiam collationē, prouisionē, præsentationem, & aliam dispositionē beneficiorū ecclesiasticorum ad earundem ecclesiarum, monasteriorū, & dignitatum Prælatos pro tempore existentes, ac alios



huiusmodi beneficia pro tempore obtinentes pertinentium, necnon regressus, siue accessus, & ingressus ad ecclesias, etiam Cathedrales, monasteria, ac alia diuersa beneficia ecclesiastica, sibi reseruari procurasse, & obtinuisse, ad hoc videlicet, vt confidentes sic decimarum apostolicarum, vel communis dicti Collegii, & annata, aliorumq; iurium dictæ Camera debitum, solutionem eludant, integrisq; beneficiorum, etiã in mensibus Apostolicis vacantium, aut aliàs dispositioni sedis Apostolicæ generaliter reseruatorum, collationibus, ac interdum vt beneficia ipsa, tẽpore procedente, in aliquorum, tunc forsan de iure inhabiliũ, & incapacium, vel nondum adhuc natorum, fauorẽ, cedantur seu resignentur, vel vt personæ inhabiles, & incapaces huiusmodi, etiam laici, pensionibus, ac fructibus, redditibus, & prouentibus ecclesiasticis fruantur, & gaudeant, seu potius illis, & facultate transferendi prædicta abutantur, in animarum suarum periculum, & perniciosum exemplum. Quare nos hanc Cardinalium eorundem, in monitionibus nostris parendo, incuriam, & tam illorum quã cæterorum Prælatorum, etiam clericorum, ac aliorum quorumcunq; indignam fallaciam conniuentibus oculis diutius minime dissimulandam, sed huic errori, ne radices altius agat, occurrendum tandem esse censentes: Et quoniã hanc ipsorum, qui monitioni nostræ non parentes, beneficia huiusmodi in confidentiam, vt præfertur, retinuerunt, & fructus ex eis indebitẽ, vel percipiendo, vel per alios nomine suo, etiam per simulatas illorũ locationes, & fictas de receptis quietantias ac donationes, & remissiones percipi sinendo, grauiter excesserunt Cardinalium metam, potius ex immoderata

erga suos indulgentia, quàm aliquo præceptorū nostrorum spretu processisse faciliè reputamus. Idcirco omnes & singulas Ecclesias, etiam metropolitanas, & alias cathedrales, ac monasteria etiam consistorialia, prioratus, præposituras, præpositatus, dignitates, etiam maiores, & principales, etiam cōuentuales personatus administrationes, & officia, cæteraque beneficia ecclesiastica, cum cura, & sine cura, secularia, & quorumuis ordinum, regularia, etiam de iure patronatus, etiam laicorum, etiam nobilium, & illustriū etiā ex fundatione, & dotatione existentia, per eiusdem Rom. Ecclesiæ etiam Episcopos Cardinales, & quoscunque alios, etiam Patriarchas, Archiepiscopos, & alios Episcopos, ac etiam eiusdem Cameræ Clericos, in titulum, commendam, vel administrationem, aut alias, in huiusmodi cōfidentiam iure prohibitam cuiusvis personæ (vt præfertur) contemplatione vel intuitu, quouis modo recepta, illorum liberam collationem, & dispositionem nobis, & Sedi Apostolicæ, harum serie reservantes, ipso iure à die receptionis eorundem vacauisse, & vacare, ac fructuum, & pensionum reservationes ac facultates transferendi, & collationis beneficiorum concessiones, eis (vt præmittitur) factas, ac regressus, siue accessus, & ingressus concessus huiusmodi, cessasse, & cessare, ac extinctos esse, & eosdem Cardinales, seu quosvis alios, à prima die receptionis beneficiorum huiusmodi citra fructus, redditus, & prouentus eorundem ecclesiarum, monasteriorum, dignitatum & aliorum beneficiorū ac pensiones prædictas, indebitè percipere, suosq; facere nō potuisse, nec; debuisse, sed illos omnes, & singulos ad Cameram eandem deuolutos fuisse, & esse, illiq; de-



beri, ac ipsos Cardinales, & alios, ad quorum manus quomodolibet peruenerunt, & eorum hæredes, ad integram illorum restitutionem in vtroq; foro teneri, & ad id opportunis iuris remediis cōpelli debere, auctoritate Apostolica, tenore præsentium, decernimus, & declaramus, & insuper vniuersis & singulis, tā eiusdem Rom. Ecclesiæ Cardinalibus etiā Episcopis quā Prælatiis, & Clericis, & aliis prædictis, præsentibus, & futuris, ne deinceps vllō vnquam tēpore, aliquas ecclesias, monasteria, dignitates, vel alia beneficia, etiā de dicto iure patronatus (vtri præfertur) existentia, aut fructus, vel pensiones, aut regressus, accessus, in confidentiam prædictam, aut ad effectum reservationū huiusmodi, sibi postmodum cedentibus procurandarū, recipere præsumant, Cardinalibus videlicet, & aliis Prælatiis huiusmodi, in virtute sanctæ obedientiæ, sub interdicti ingressus Ecclesiæ, reliquis verò sub maioris excommunicationis latæ sententiæ pœna, per contrafacientes eo ipso incurrenda, à qua, nisi à nobis, aut Rom. Pontifice pro tempore existente, præterquam in mortis articulo constituti, absolui nequeant, distriktius inhibemus. Ac quascunque collationes, prouisiones, præfectiones, cōmendas, reservationes, facultates, etiam transferēdi, ac regrediendi, siue accedendi, & ingrediendi, ac alias dispositiones de Ecclesiis, monasteriis, dignitatibus, & aliis beneficiis eorumq; fructibus, & beneficiorum collationibus per nos, & alios Rom. Pontifices successores nostros, etiam motu proprio, seu consistorialiter, aut etiam per ordinarios, & alios inferiores collatores, etiam ad patronorum eorundem præsentationem, & alias quomodolibet cum interuentu confidentiæ huiusmodi, expressè,

siue occultè, ac de iure præsumpto, & alias contra præmissa pro tēpore factas, nullas, & inualidas, nulliusq; roboris vel momenti fore, neque cuiquam suffragari, sed ecclesias, monasteria, dignitates, ac alia beneficia huiusmodi, ipso iure vacare, ac nostræ, & Sedis Apostolicæ dispositioni reservata, fructusque, & pensiones Camera Apostolicæ applicatos, vt præfertur, esse, & censi: sicque in præmissis omnibus & singulis, per quosq; iudices, & Commissarios etiam ipsius ecclesiæ Rom. Cardinales, sublata eis quauis aliter interpretandi, & iudicandi facultate, etiam per præsumptiones, & coniecturas legitimas, & eorum arbitrio (cū alias confidentias huiusmodi, in lucem erui, & probari nō posse constet) procedendo, iudicari, & definiri debere. Ac quidquid secus super his à quoquam, quauis auctoritate scienter vel ignorāter attentari cōtigerit, irritū & inane similiter decernimus. Non obstantibus fel. rec. Bonifacii Papæ viij. prædecessoris nostri, de vna, & concilii generalis de duabus dietis, ac aliis constitutionibus Apostolicis, necnon collegii præfati, iuramento, cōfirmatione Apostolica, vel quauis firmitate alia roboratis, statutis, & consuetudinibus contrariis quibuscunq;. Aut si aliquibus communiter, vel diuissim, ab eadem sit sede indultum, quod interdicti, suspendi, vel excommunicari non possint, per literas Apostolicas, non facientes plenam & expressam, ac de verbo ad verbum, de indulto huiusmodi mentionem. Et ne quisquam vllō vnquam tempore præsentium ignorantiam prætereundū possit, Volumus, & eadē auctoritate decernimus, quod ipsæ præsentis literæ ad Basilicæ Principis Apostolorum de Vrbe, valuas, per aliquem ex Cursoribus nostris, illa-

rum copia ibi affixa, & dimissa, & etiam in Cancellaria Apostolica, de more publicentur, ac in eiusdē Cancellariæ quinterno, ad maiorem partium, illas in iudicio producere volentium, commoditatem, describantur. Nulli ergo omnino hominum liceat hanc paginā nostræ seruationis, declarationis, inhibitionis, decreti, & voluntatis, infringere, vel ei ausu temerario contraire. Si quis autem hoc attentare præsumperit, indignationem omnipotentis Dei ac beatorum Petri & Pauli Apostolorum eius se noverit incursum. Datum Romæ apud sanctum Petrum, Anno Incarnationis Dominicæ, Millesimo quingentesimo sexagesimo quarto, decimo septimo Kl. Nouemb. Pontificatus nostri anno quinto.

Visa de Curia M. de Enciso.

Cæ. Glorierius.

H. Cumyn.

*Anno à natiuitate Domini Millesimo quingentesimo sexagesimo quarto, indiétione septima, die vero quarta mensis Decembris, Pontificatus Sanctissimi in Christo Patris, & Domini nostri Domini Pij, diuina prouidentia Papæ quarti, anno quinto, superscripta litera Apostolica, publicata, & affixæ fuerunt ad valuas Basilicæ Principis Apostolorum de Vrbe, & Cancellariæ Apostolicæ, ac in acie Campi Floræ, dimissis ibidem in superscriptis locis superscriptarum literarum copyis affixis, ut moris est, per nos Iulium Parinum, & Bernardinum Andreutium prælibati Sanctissimi Domini nostri Papæ Cursores.*

Antonius Clerici Magister Curs.



S. D. N. D. PII PP. V.

NOVA CONSTITVTIO.

*De confidentiis beneficalibus, earumq; casibus, presumptionibus, & probationibus, Cum relaxatione cognitionis causarum, præterquam pendentium;*

*Itémque futurarum de collationibus Episcopis & Superioribus, beneficiisq; consistorialibus.*

PIVS EPISCOPVS SERVVS SERVORVM  
DEI, AD PERPETVAM REI MEMORIAM.

**I**NTOLERABILIS multorum peruersitas, qui sacrosanctas constitutiones nouis quotidie fraudibus eludere nituntur, sæpe illarum authores in necessitatem adducit cautius prouidēdi, quo pertinaciū animi ab improbis conatibus grauiore sanctione proposita reprimantur. Bene quidē & prouidenter fœl. rec. Pius Papa iiij. prædecessor noster ad tollendā fiduciariæ mancipationis beneficiorū ecclesiasticorum corruptelā statuit & decreuit, vt ipso iure vacarēt ecclesiæ, monasteria, cæteraq; beneficia ecclesiastica in cōfidentiā à quibuscūq; etiam S.R.E. Cardinalibus cuiusuis personæ contemplatione vel intuitu recepta, liberam illorum dispositionem sibi & apostolicæ sedi reseruando: Nec valerēt ipsorum collationes, seu concessionēs, nec fructuum, nec pensionum reservationes, nec facultates illas trāferendi, nec regrediendi, seu accedendi, & ingrediendi ad ecclesias, monasteria, & beneficia supradicta, illaq; recipiētes, fructus, pēiones, & alias res eorundē indebite perciperent. Prohibens quibuscunque etiam sub censuris ecclesiasticis, ne quid huiusmodi amplius au-

derent. Ac etiã decreuit omnes & quascunque provisiones, præfectiones, collationes, cõmẽdas, & alias dispositiones de ecclesiis, monasteriis, & beneficiis, nec non reservationes fructuum, pensionum, rerum & iurium, ac etiam transferendi, regrediendi, accedendi, & ingrediendi, aliãsq; facultates, siue per se, siue futuros Romanos Pontifices, etiam motu proprio, ac consistorialiter, siue etiam per ordinarios collatores, etiam ad patronorum præsentationem, cum interuentu confidentiæ huiusmodi, siue expressè, siue occultè, ac de iure præsumpto, & alias contra prædicta pro tempore factas, nullius momenti fore, nec cuiquam suffragari, sed ecclesias, monasteria, & beneficia huiusmodi, ipso iure vacare, ac prædictę dispositioni reservata esse, sicque per quoscunque etiam per præsumptiones, & cõiecturas legitimas, & alias eorum arbitrio procedẽdo (cũ alioqui cõfidentias huiusmodi in lucem erui, & probari non posse constaret) iudicari & diffiniri debere. Necnon irritum & inane quicquid secus contingeret attẽtari, quemadmodum confectis super his literis suis plenius continetur. Verumtamen propter improbas multorum cupiditates, prædicta, quæ ad purgandam hac perniciẽ ecclesiam, & animarum salutem ab ipso prædecessore edita sunt, in multis deprehendimus viam aperuisse grauius delinquẽdi. Si quidẽ cũ frequentibus plurium querelis pridem concitari, quod iudices in causis huiusmodi confidentiarum expediendis remissiores essent, omnes & singulas causas ipsas vbicũque, & inter quoscunque motas ad nos aduocauissemus, ac omnimodã huiusmodi causarũ præsentium, & futurarum, rerũque omnium ex ipsis resultantium cognitionẽ nobis & successoribus nostris



referuauissemus, & super quibusdā corā nobis proces-  
 sum fuisset, variis inde, nec leuibus cōiecturis intelle-  
 ximus, vitiū quidē confidētiæ occultē irrepsisse, sed in  
 plerisq; causis præsumptiones, & cōiecturas, quæ ad  
 illud probandum deducuntur, minimē sufficere, eiuſ-  
 que rei causa plurimos qui ante litterarū prædictarum  
 editionem huiusmodi confidentias exercent, vbi co-  
 gnouerunt obstructam veritatem propter difficulta-  
 tes probandi in iudicio cōfidentias ipsas, contempta  
 constitutione prædicta, ecclesias, monasteria, & be-  
 neficia sic recepta vt prius retinere alios fructus, pen-  
 siones, & alias res accipere: alios eorum exemplo ad  
 similia & grauiora fidentius commoueri. Multi enim  
 ipsa beneficia iure retinere nequeunt, alij ne cogantur  
 ad sacros ordines, ad residentiam, ad incedendum  
 in habitu clericali, vt ad bellum proficiſcantur, vt ini-  
 micos occidāt: alij vt alieno nomine lites agant, aut  
 defendant, alij propter crimina incapaces, quidā vt  
 purgato delicto, vel absolutione cōsecuta illa repetāt,  
 eadē in alios deponunt, & in plerisque fructus ipsorū  
 aut eis ministrantur, aut quibus ipsi statuūt, sæpe lai-  
 cis, & inhabilibus. Pleriq; vel senēs, vel infirmi, vt be-  
 neficia in domibus suis perpetuent, illa renūciarūt, &  
 renūciant in alios, qui vel profanā familiā cedentiū de  
 fructib<sup>9</sup> ecclesiasticis alāt, vel illa etiānū infantib<sup>9</sup>, aut  
 nescitis asseruēt, facto interdū circuitu retrocessio-  
 nis, cū reservationē fructuū & aliarū rerū, aut accessu,  
 præsertim ab illis qui præstadorū iuriū Camera apo-  
 stolice sunt immunes: alij aut incapaces, aut aliis be-  
 neficiis aut ecclesiasticis onusti, aut ecclesiastico ordi-  
 ni sese mancipare refugientes, aut merē laici beneficia  
 ecclesiastica aliis conferenda procurant, vt de illis  
 postmodū ab libitum suum disponatur, fructus etiā

percipientes illorum. Ad hæc plerique ordinarij, & alij collatores, ac etiam patroni laici curant deponenda beneficia, vt fructus, seu pensiones capiât eorundem, alijsve faciât ministrari: Alia itē permulta eiusmodi admittuntur, quibus immaculata rerum diuinarū puritas impiè violatur, discipline ecclesiasticæ nervus dirūpitur, & imminēs patrat exitium animarū. Quare nos volentes periculosam talium audaciam noui iuris subsidio cohibere, præsentium auctoritate statuimus, vt si quis quacūque auctoritate ecclesiā, vel monasteriū, aut aliud beneficiū ecclesiasticum quaecumq; ex resignatione, vel cessione cuiuscūq; personæ simpliciter, aut cū circuitu retrocessionis, cum regressu, vel accessu, etiā sola dimittentis intentione receperit, vt illa vel illud etiam in euentū regressus, vel accessus, eidem dimittēti vel alteri postea conferatur, aut illius fructus, vel eorum pars alij vel aliis concedantur, vel pēiones soluantur, ex eisdem hæc cōfidentia censeatur. Itidē si ordinarius, vel alius collator contulerit antehac, aut conferat in futurū beneficiū ecclesiasticū quouis modo vacans, ea conditione tacita, vel expressā, vt postea in alterū pro arbitrio collatoris, seu alterius cuiuscūq; contra iuris cōmunis ordinationē disponatur, siue vt de eo prouisus, fructus illius, vel partē ad vtilitatē, vel libitū cōferentis, vel cedētis, aut alterius relinquat, & remittat, seu pensionē, illi, vel illis, quē vel quos idem collator aut cedēs, vel ali<sup>o</sup> per se vel alium scripto, aut verbo iusserit seu significauerit, persoluat, & pariter si patrono etiā laico, vel aliei præsentatori, seu electori cōtingerit, aut cōtingat id fieri. Adhęc si clericus prædictæ Camera, aut Cardinalis, aut aliū a solutione iurium ipsius Camera, vel etiam Cancellariæ apo-

stolicę exēptus, post resignationē, vel cessionē alicuius  
 extranei, de ecclesia, monasterio, vel alio beneficio ec-  
 clesiastico in se, apostolica vel alia auctoritate factā &  
 admissam, illā vel illud etiā confectis literis Apostoli-  
 cis, & possessione apprehēsa, in eundē resignantē,  
 vel cedentē, modico spatio interiecto, veluti duorum  
 aut triū mensiū retrocesserit, aut retrocedat in futurū,  
 & ex illa retrocessione fructus ecclesię, seu monasterij,  
 aut beneficij, vel eorum pars, seu pensio, seu quid aliud  
 super illis reservatum aut regressus, seu accessus, & in-  
 gressus ad illā vel illud, ipsi clerico, vel Cardinali, aut  
 alij exēpto sit fueritve cōcessus. Postremò si quis cri-  
 mine aliquo absolutus, aut cū quo super irregularita-  
 te dispēsatū est, denuò receperit, quacūq; auctoritate  
 ecclesiā, monasteriū, vel aliud beneficiū ecclesiasticū,  
 quod ante, vel post cōmissum delictū, aut cōtractā ir-  
 regularitatē dimiserit, in quo vis horū casuū cōfidentię  
 prauitas sit cōtracta, casusque huiusmodi literis præ-  
 dictis cōprehendatur, ac si illis speciatim expressi fuif-  
 sent, licet ipsum cōfidentię crimē alterius tantū partis  
 cōfidentię sit admissum. Ad probandū verò plene cō-  
 fidentiarū abusum, inter alias etiā hæ præsumptiones  
 & coniecturæ habeantur legitimæ. Videlicet, Si quis  
 post cessam ab se ecclesiā, vel monasteriū, aut benefi-  
 ciū, & publicatā resignationē, seu cessionē, captāque  
 à successore possessionē, sese in illa, vel illo, seu rebus  
 illius, per se, vel aliū seu alios de facto ingesserit, aut  
 fructus perceperit, aut quicūque successor illi, vel eius  
 propinquis ipsos, aut partē aliquā remiserit eorundē.  
 Si recipiēs beneficiū constituerit dimittentē, vel eius  
 parētes, aut propinquos procuratores ad percipiendū,  
 vel locandū fructus beneficij dimissi, & illi vel illis de



fructibus præceptis, aut percipiendis donationē fecerit. Si vel sola procuratoris depositione, vel libris rationalibus mēfariorū ex parte dimittētis, expeditio, quæ personā recipiētis concernit, prosecuta sit, simulque expensæ pro ea necessariae ab illo factæ fuerint. Denique si quis pro cōcessionē alicui facta quacūq; auctoritate de beneficio ecclesiastico per se vel aliū, seu alios intercesserit, vel aliās in negotio cōcessionis sese immiscuerit quoquo modo, deinde aliquid de fructibus talis beneficij de facto, etiā per manus possessoris, ac etiam simplicis donationis titulo perceperit, seu de illo postmodū ad volūtatē intercessoris fuerit dispositum quādocunq;. Testes autē de quaq; re singulares singulas probare valeāt præsumptiones, & cōiecturæ, pluresque huiusmodi præsumptiones, & coniecturæ plenā probationē faciāt in prædictis. Ceterū criminosi & cæteri omnes, qui ad perhibēdū in casibus simonię testimoniū recipi possunt, ad prædicta omnia admittētur. Sed ne quisquā etiā vana fiducia fretus, nō intendendi cōtra se iudicij in crimine perseveret, utque hoc malū grauioris censurę stimulo vsquequaq; prohibeatur, oēs & singulos, qui hucusq; ecclesias, monasteria, beneficia, fruct<sup>o</sup>, pēsiones, aliāsve res, intercedēte hoc cōfidentia vitio receperūt, ac retinēt, nisi statim ad se reuersi, & resipiscentes celeri dimissione sibi prospexerint, & qui quid tale admiserint in futurū etiā omnibus & singulis aliis ecclesiis, monasteriis, dignitatib<sup>o</sup>, administrationibus, officiis, & beneficiis obtētis, quæ pariter sub dicta reservatione comprehendī volumus, necnō fructibus, pēsionib<sup>o</sup>, & aliis rebus ecclesiasticis, ac etiā Ro. Cu. & aliis officiis tēporalibus, præsentium auctoritate priuamus, & ad futura inhabiles decerni-

mus, & in iuris subsidiū excōmunicationis sententia innodamus, à qua nullus, nisi in mortis articulo cōstitutus, ab alio quā Rom. Pōtifice, absolutionis beneficiū valeat obtinere. Nos enim aduocatione causarum huiusmodi, & reseruatione cognitionis illarum, rerūq; omniū inde emergentiū, nobis, & prædictis successoribus, vt prædictū est, facta (causis illis dūtaxat exceptis, quæ iam corā nobis pendere noscūtur, ac etiā iis quas ratione ecclesiarū, & monasteriorū, quorū dispositio in cōsistorio fieri cōsuevit, aut debet, itémq; cōtra ordinarios collatores episcopos, & alios superiores prælatos, etiā Cardinales haberi cōtigerit, vt iam aliis nostris statutū est, audiēdis, decidēdis, & terminādis) harum serie prorsus relaxata, decernimus ita deinceps quoscūq; iudices ordinarios, & delegatos, etiā causarū Palatij Apost. Auditores, ac prædictæ Rom. Ecclesiæ Cardinales, sublata eius, & ipsorū cuiuscūq; quauis aliter iudicādi, & interpretādi facultate, & auctoritate, vbicūq; iudicare, interpretari, & diffinire debere, necnō irritū & inane, quicquid sec⁹ in prædictis per quoscūq; quauis auctoritate, sciēter vel ignorāter cōtigerit attēdari. Quocirca omnib⁹ locorū ordinariis districtius iniungimus, vt in suis quicūq; Ecclesiis, ciuitatibus, diocēsesibus, & locis etiā exēptis, ad prædicta studiosè attendāt, & quaten⁹ illis relaxauim⁹, in delinquētes seuerè animaduertāt, si diuinę maiestatis iudiciū, diētrāq; sedis cēsūrā voluerint euitare. In cēteris verò causis, & negotiis nobis, & prædictis successorib⁹ exceptis, eosdē locorū ordinarios præsentiū auctoritate delegamus, vt gratia & fauore postpositis, pro se quisq;, cū venerit vsus, cōtra prædictos omnes sub ipsa exceptione cōprehēsos diligēter inquirāt, suōq; inquisitiones oēs sigillo obsignā



tas ad prædictâ sedē quā primū transferant, vt nos & prædicti successores in causis huiusmodi procedētes, quod iustū fuerit decernamus. Nos enim singulis ordinariis ipsis, prædictos omnes & quoscūq; alios, etiā exemptos, etiam per edictū publicum, constito prius summarie, & extraiudicialiter de non tuto ad illos accessu, citadi, & monendi, eisq; ac iudicibus ordinariis, & delegatis, aliisque personis quibuscunq;, ne prædictorum executionem quoquo modo impediāt, vel alias in illis sese interponāt, etiam per simile edictū inhibendi, eosdēmq; ac alios cōtradictores, & rebelles quoscūque per censuras, & pœnas ecclesiasticas, ac oīa alia iuris & facti remedia opportuna cōpellendi, auxilium brachij secularis, quandocūque opus erit, inuocandi, ceteraque in prædictis omnibus singulis necessaria faciendi, & exequendi, plenā & liberā tenorē præsentium concedimus facultatem. Non obstantibus fœl. recorda. Bonifacij Papæ octauī prædecessoris nostri de vna, & in cōcilio generali edita de duab<sup>9</sup> dietis, aliisque apostolicis cōstitutionib<sup>9</sup>, & ordinationibus, & quodq; episcopis collatorib<sup>9</sup>, & prælatis prædictis, etiā Cardinalibus, vel quibuscunq; aliis cōmuniter diuissim à prædicta sit sede indultū, vel in posterū indulgeri cōtingat, quod interdici, suspendi, vel excōmunicari, aut cōtra indulta huiusmodi ad iudiciū trahi non possint per literas Apostolicas non facientes plenā & expressam & ad verbum de indulto huiusmodi mentionem, & quibuslibet aliis priuilegiis, indulgentiis, & literis apostolicis, generalibus vel specialibus, quorumcunq; tenorum existant, per quæ præsentibus non expressa, aut in totum inserta, effectus præsentium, aut attributæ prædictis ordinariis iurisdic-  
 tionibus

nis explicatio, seu exercitiū, vel executio impediri valeat quomodocūq; vel differri, & de quib<sup>9</sup> quorumq; totis tenoribus habēda sit in nostris literis mētio specialis, cēterisq; contrariis quibuscūque, Literis predecessoris huiusmodi nihilominus in suo robore duraturis. Volumus autē vt præsentium exēpla etiā impressa edantur, eāq; notarij publici manu, & cuiuscunq; curiē ecclesiasticā, eiūsve prælatus sigillo obsignata, eandem illā prorsus fidē in iudicio, & extra vbiq; locorū faciāt, quā ipsæ præsentes facerēt, si essent exhibitæ vel ostēfæ. Nulli ergo omninō hominū liceat hanc paginam nostræ priuationis, statuti, decreti, innodationis, iunctionis, delegationis, concessionis, & volūtatis infringere, vel ei ausu temerario cōtraire. Si quis autē hoc attentare præsumpserit, indignationē omnipotentis Dei, ac beatorum Petri & Pauli apostolorū eius se noverit incursum. Datum Romæ apud sanctū Petrū, anno incarnationis dominicæ millesimo quingentesimo sexagesimo nono, Kl. Iunii, Pontificatus nostri anno quarto.

Cæ. Glorierius.

H. Cumyn.

*Anno à natiuitate Domini millesimo quingentesimo sexagesimo nono, indictione duodecima, die vero Sabbati sexto Augusti, Pontificatus Papæ quinti, in Christo patris & D. N. D. Pij diuina prouidentia Sanctiss. Anno quarto, Retroscriptæ literæ affixæ, & publicatæ fuerunt ad valuas Basilicarum Lateranen. & principis Apostolorum de vrbe, Cancellaria Apostolica, & in acie Campi Flora, vt moris est, dimissis omnibus supradictis locis earundem retroscriptarum literarum copiis affixis, per nos Iulium Parinum, & Ioannem Andreanum Papiæ prædicti S. D. N. Papæ Quinti cursores.*

Christianus de Monte Magister Cursorum.

Romæ, apud hæredes Antonij Bladij  
impressores Camerales.